

Latihan Pemahaman

Baca petikan di bawah ini dengan telitinya, kemudian jawab soalan-soalan yang berikutnya.

Awal-awal pagi lagi, Auni dan keluarganya bersiap-siap untuk ke Taman Tasik Perdana. Mereka hendak membawa datuk dan nenek Auni berkelah di sana. Setibanya mereka di taman tasik itu, kenderaan *bertali arus* dan orang ramai berpusu-pusu. Mereka kehairanan. Auni memandang sekeliling. Matanya terpaku pada kain rentang yang digantung di tasik itu.

“Oh, ada Pameran Pokok Herba Antarabangsa rupa-rupanya!” kata Auni.

Datuk Auni kelihatan begitu teruja. Dia beralih dari satu gerai ke satu gerai yang mempamerkan beraneka jenis pokok herba. Asyik benar nampaknya datuk Auni melihat pokok-pokok herba itu. Ada bermacam-macam pokok herba tempatan. Banyak juga pokok herba dari luar negara yang belum dilihat oleh Auni turut dipamerkan.

Ayah dan ibu Auni juga ralit membelek herba yang pelbagai jenisnya. Antaranya termasuklah pegaga, misai kucing, kantan, hempedu bumi, keladi tikus, temu lawak, ubi jaga, dan lain-lain. Tanpa disedari sudah satu jam setengah masa berlalu.

“Wah, banyaknya datuk membeli pokok herba! Kalau begitu, bolehlah datuk membuka kebun herba nanti,” usik abang Auni. Datuk Auni tertawa riang mendengar gurauan cucunya itu.

“Datuk beli mana-mana yang berkenan di hati sahaja. Bolehlah datuk tanam pokok herba ini di belakang rumah nanti. Banyak khasiat pokok herba ini,” kata datuk Auni.

“Apakah khasiatnya datuk?” Tanya Auni.

“Tumbuhan ini dapat membantu menyembuhkan pelbagai jenis penyakit. Misalnya, kurang darah, sendi sakit, kanser, kolesterol tinggi, sakit kuning, kegemukan, ulser, sembelit, mengekalkan stamina, awet muda, menjaga kesihatan penglihatan, dan sebagainya,” jelas datuk Auni dengan panjang lebarnya.

1. Apakah maksud *bertali arus*?

- A Terlalu penuh
- B Bersesak-sesak
- C Tidak putus-putus
- D Bergerak ke sana ke mari

2. Apakah tujuan keluarga Auni membawa datuk dan neneknya ke Taman Tasik Perdana?
- A Untuk berkelah
 - B Untuk berjoging
 - C Untuk bersiar-siar
 - D Untuk menenangkan fikiran
3. Pameran yang sedang berlangsung di Taman Tasik Perdana ialah
- A Pameran Pokok Herba 2019
 - B Pameran 1001 Pokok Herba
 - C Pameran Pokok Herba Malaysia
 - D Pameran Poko Herba Antarabangsa
4. Datuk Auni amat menggemari pokok herba kerana
- A pokok herba pahit rasanya.
 - B pokok herba susah ditemukan.
 - C pokok herba banyak khasiatnya.
 - D pokok herba amat murah harganya.
5. Pada pendapat anda, mengapakah pokok herba semakin popular sebagai tanaman hiasan di rumah?
- A Boleh ditanam di dalam pasu
 - B Tidak memerlukan apa-apa kos
 - C Mudah ditanam dan senang dibiakkan
 - D Mengeluarkan aroma yang menyenangkan